

元始无量度人上品妙經卷之三十一

長生久視品

道言昔於始青天中朱景瓊明洞真化土天際有大玄樂天號曰長生中有帝君號長生大帝君丹瓊之宮絳霄玉宸之闕紫雲繚繞黃霧苾芬帝藏寶室山川林木煙霞風露皆作晴虹蘋靄之色仙官神吏僚佐書史以億萬計而此天中東連東蒙之宮紫極之天明真之臺希琳之殿西接協宸之宮耀景之天寶靈之臺太和之殿天垂清微九光之雲以爲承覆聳海霞碧瑤之氣以結几席廓然輝耀諸天之中號爲極樂

道藏輯要

度人妙經

壹

角集七

×××

元始天尊當說是經開示長生久視大法元始卽於始青天中五色獅子座上遙存瓊明天際大玄樂天中長生大帝君以其元始上帝元胃之長福德充備付囑長生大帝君令爲十方天人一切眾生說此長生久視轉凡成聖之要長生大帝君默感元始玄密之旨卽從座起勅命左右侍真天官僕射侍經典者香官玉童玉女一切部屬無量天人及諸仙眾來詣朱景玄洞延康南和之殿無上大法疊玉之座子丹靈童升扶希之樓擊斑龍雷音之鼓閻洞玉女升霽虛雙景之樓叩黃庭九絕神金之鐘聖眾大集普天同悅長生大帝君將演妙法周迴十過以召十方始當詣座天真大神上聖高尊妙行真人無鞅數眾乘

空而來自然妙氣流光冲霄八照圓象洞煥景耀旛蓋輿輦九
色合成萬種分輝千真交影龍鳳結彩山水流形本無窒礙隱
顯靡常宮殿臺碗音樂法具持幢建節泛景乘煙境瑩晨華土
成文玉眾眞侍座長生帝君玄坐空浮九轉七變赤精紅蓮之
座說經一遍紫虛回映天籙字生說經二遍玉京吐晶變化千
億說經三遍道空內易徹見祖源說經四遍神顯眞形羣類長
生說經五遍玉帝啓緘寶符永命說經六遍琪林嘯風宛成虛
梵說經七遍靈潢湛清黛海同色說經八遍日月合輝絳霧飄
香說經九遍道運無窮天壽長生說經十遍熒芝成盤甘露敷
空是時一國是男是女莫不傾心皆受護度咸得長生

道藏輯要

度人妙經

二

角集七
八三五

道言是時長生帝君說經一遍東方無極無量品長生大神無
鞅之眾浮空而至說經二遍南方無極無量品長生大神無鞅
之眾浮空而至說經三遍西方無極無量品長生大神無鞅之
眾浮空而至說經四遍北方無極無量品長生大神無鞅之眾
浮空而至說經五遍東北無極無量品長生大神無鞅之眾浮
空而至說經六遍東南無極無量品長生大神無鞅之眾浮空
而至說經七遍西南無極無量品長生大神無鞅之眾浮空而
至說經八遍西北無極無量品長生大神無鞅之眾浮空而至
說經九遍上方無極無量品長生大神無鞅之眾浮空而至說
經十遍下方無極無量品長生大神無鞅之眾浮空而至十遍

周竟十方無極長生大神一時同至一國男女傾心歸仰來者
有如萬山出雲千江湧浪轟雷震海無軌之眾遍諸天界壓疊
國畿非可禁止於是長生大帝君舉手南向於此空中化出百
億寶光一一寶光有諸世界一一世界百千樓閣或依山水林
木岡阜或近都邑谿畔樵野見有仙眾飛身步空水火激射乘
龍按轡遊盼神州駕鳳梯雲倏歛騫逸圍繞太息渴仁法言覲
度此生見長生道脫離法網超悟真階得悟大乘盡忘習染長
生大帝君登引天真大神上聖高尊紫虛真人十方無極長生
久視大神俱登神境之中天人仰看聖集傾依徹見道根本無
變滅元始一炁能得之者浩劫無終內視五體外觀萬象日月
道藏輯要

度人妙經

三

角集七

又文川

齊照無有已期長生則道本無生生而不滅久視則邈然無視
洞照三清求生於死死化爲生久視於无无極爲有潛精內息
默觀自然無生死中妄有生死生死流轉不能止者以視不久
也久視則定定照則真境自現八十一天洞如指掌眾生所以
不得長生久視者以刑剋敗絕其氣有無真妄其心心著生死
則形亦隨化心與道一一與神冥守神忘心生道長久太微玉
符續生和形使氣無害九仙玄籙使視久而徹徹則見道道來
現形與子相守長生寶符使道性不遷遺心抱神神變無方十
方世界八景妙空一得長生自然久視浮沈萬象應時消殞惟
見長生大帝君無量境界無邊法身無窮惠用無極變化一時

出現如同眉睫一切天人悟此大法乘雲駕龍來往空洞視十方太空如一黍米仙真教化應世權實超證玉清位登真極說經都竟眾真受度作證於我當此之時喜慶難言法事粗悉諸天復位倏歛之間寂無遺響是時天人遇值經法普得濟度長生久視與道同居傾土歸仰咸住輪轉無生無死無壯無老無疾無衰無苦無滅無作無爲言無戾中口無惡聲齊同慈愛異骨成親國安民豐忻樂太平經始出教一國以道預有至心宗奉禮敬皆得度世

道言長生大帝君說經中所言並是諸天上帝內名隱韻之音亦是長生大帝君內諱百靈之隱名也非世之常辭上聖已成

道藏輯要

度人妙經

四

角集七

×七×

真人通玄究微能悉其章誦之十過諸天遙唱萬帝設禮三景順行五行不尅道炁自然長久不終久視无極河海淵凝山嶽崇深日月降精璇璣煥明羣魔束形鬼精滅爽道在無爲保命無傾至學之士誦之十過則五帝侍衛三界稽首靈氣來輔無所不成痼疾垂死以氣能行皆由道真長生自然營致神氣絕而得生所以爾者學士感契大道常與生俱神合洞真召制十方天光入身久視玉京默朝上帝攝錄魔精運應革易生道日新七情六慾永斷妄根五臟百體久視如鑑百神現形授兆要言與神同軌入侍帝軒輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉

京度人無量爲萬道之宗巍巍大梵德難可勝

道言凡誦是經十過諸天齊到檢定生名罔墜元惡及有冥愆
守道正心神來守身身得長生後天永存凡不聞道喜怒日遷
水火剋伐金木相連不滋真水甯制炎光水升火降道備登仙
平則火降伏藏太淵怒則焚身四極惡煙知長生道義入玄玄
擲水泳珠火居九泉炎火鍊形金體永堅水火二用非聖不傳
中有真土名曰自然自然無知萬物以生杳冥恍惚動靜無間
天地三界從自然生自然爲土土能變遷皆從太空自然中生
生則無盡與道齊年內見九宮無英白元黃老運神與兆精連
知之長生大帝五篇雲章玉書攝氣舉仙世人受誦則延壽長

道藏輯要

度人妙經

五

角集七

六十一

年尸解得道形變升玄呼吸剛風乘駕六龍南和賜策青帝給
童此經微妙普度無窮一切天人莫不受慶无量之福三界蒙
惠上天所寶不傳下世至土齋金寶效心盟天而傳輕泄漏慢
殃及九祖長役鬼官侍經五帝玉童玉女各二十四人營衛神
文保護受經者身

道言正月長齋誦詠是經佩服太微玉符召東華真公齋滿之
炁下入身中以生木火之氣長生久視後天無窮七月長齋誦
詠是經佩服九仙玄籙召西靈真母陽色之氣下入身中以生
金上之氣長生久視後天無窮十月長齋誦詠是經佩服玉帝
長生寶符召北方三氣君葛賢之氣下入身中以生水木之炁

長生久視後天無終八節之日誦詠是經佩服六君久視之章
召中黃帝君務猶之炁下入身中以生火土之氣命得長生神
朝玉真魂神澄正萬氣長存不經苦惱身有光明三界侍衛五
帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外蒼冥有青龍白虎朱雀玄武獅子白鶴羅
列左右日月照明洞煥室內項生圓象光暎十方如此分明

密咒曰

無上玄元太上道君召出臣身中三五功曹左右官使者侍香

道藏輯要

度人妙經

六

角集七

山文川

玉童傳言玉女五帝直符直日香官各三十六人關啓所言今
日吉慶長齋清堂修行至經无量度人願所啓上徹徑御

無上三十二天元始上帝至尊几前畢

引炁三十二過東向誦經

元始無量度人上品妙經

太微玉符

道藏輯要


度人妙經

七

角集七

九仙玄錄

玉帝長生寶符




道藏輯要

度人妙經

八

角集七

土命人制木氣尅賊令長生久視



金命人制火氣尅賊令長生久視

金命人制火氣尅賊令長生久視

道藏輯要

度人妙經

水命人制土氣尅賊令長生久視

九

角集七

水命人制土氣尅賊令長生久視

木命人制金氣尅賊令長生久視

木命人制金氣尅賊令長生久視

道藏輯要

度人妙經

十 角集七

火命人制水氣尅賊令長生久視

火命人制水氣尅賊令長生久視

大君久視之章

玉皇大天尊玄穹高上帝
此章係玉皇大天尊所書，字體極為古樸，筆畫粗細不一，充滿靈動之感。全章共三行，每行約二十餘字，字與字之間多有連筆，難以一一辨認，但整體氣勢磅礴，神韻十足。

右青書絳箔上火化之面東清水調服之取長生日忌上制

下尅賊宜以開建日或春甲寅夏丙午秋辛酉冬壬子大吉

道藏輯要

度人妙經

十一

角集七

川三又

佩用丹書青箔上服用丹書赤炁在齋九十日佩服致神仙

長生久視大驗書符密室勿以語人

長生大帝君刻以丹金瓊鳳之簡封以玉帝長生之章藏南

和瓊明帝阿九洞寶室之內劫盡一出以度緣骨宿名之士

有此玉文不知祕道為尸解仙佩服忌厭穢犯之考身

元始洞玄靈寶本章長生久視十回度人南極隱韻離合自然

浩虛眇玄恍惚精轉中變化生无極諸天大梵妙氣祖劫綿綿

玉霞結山真明為仙靈光煌煌絳阿碧巔上出九色內列三便

九室曲峙下流玄泉綠窗金樓神風回煙大和攝錄雲書洞篇

斑斑龍鱗落落鳳紋宛轉流迹寶華委紛真元題象空無生神

神運無形氣貫如繩眇眇莽莽若亡若存玄渾彌羅藥宮蹇峩
育嬰日池真粹潛施得者長生勿失璇璣天珠沍液雲綱八闢
轉紫成青三真檢飭視表徹裏遐照千億翠影九還洞陽孕丹
黃父赭帔守魂久視覓之萬年金鎖玉關神虎衛門真母奏香
杳杳梵氣周回十方中有度人不死之神中有南極長生之君
中有度世司馬大神中有好生韓君丈人中有南上司命司錄
延壽益算度厄尊神長生久視無量度人今日校錄諸天臨軒
東方無極生氣神王長生大聖無量度人
南方無極生精神神王長生大聖無量度人
西方無極生液神王長生大聖無量度人

道藏輯要

度人妙經

十三

角集七

北方無極生道神王長生大聖無量度人
東北無極生化神王長生大聖無量度人
東南無極生質神王長生大聖無量度人
西南無極生識神王長生大聖無量度人
西北無極生妙神王長生大聖無量度人
上方無極生定神王長生大聖無量度人
下方無極生感神王長生大聖無量度人
十方三真長生久視神王長生度世無量大神並乘四規八照
之輿三氣九光之輦洞皇雋粲之雲流霄浪霞之蓋雙虹之輪
七絕之節驂駕神虎紺鬚之龍前嘯金鶴齊唱後吹玉律同音

丹鳳青鸞嘯歌囉囉五老啓途羣仙翼轅億乘萬騎浮空而來
傾光回駕監真度生諸天丞相南昌上宮韓司主錄監生大神
執符把錄齊到帝前隨所應度嚴校諸天普告三界無極神鄉
泉曲之府北都羅酆三官九府十二河源分別種民簡記善功
授道真氣佩錄希立身得長生久視永年心感生德神入太玄
紫童內觀真境現前洞徹無極仙道自然坐知休否得天中天
大劫不爽萬氣洪源性合光空騁雲泝煙元始符命時刻昇遷
還嬰錄氣易形變仙道爾百齡有頃億千制魔保舉度品南宮
玉符受鍊仙化成真生身受度劫劫長存隨劫輪轉與天齊年
永度三塗五苦八難超凌三界逍遙上清上清之天天帝玉真

道藏輯要

度人妙經

三

角集七

無色之境梵行

東方八天

道遠殊明天

帝普斗元真

滄淵煥奕天

帝婁乾至多

德照清華天

帝建朱覩謨

昌祐極宗天

帝鈕俞詵喬

皓際預光天

帝寶邱銘

鍊度無欲天

帝覺杜容

晨光延祚天

帝玉堵阿窻

澄虛幽完天

帝九曲上英

南方八天

太微耀通天

帝苟常貽先

太皇深華天

帝洞無冥施

慶煙鳳真天

帝敕禁魔源

梵化炎虛天

帝嶠期祖強

露真應化天

帝映留度仙

超玄紫宸天

帝仲康霞

廣生妙神天

帝麗光蘇

丹琳三華天

帝祐閻密音

西方八天

道藏輯要

度人妙經

西

角集七

晶真鼎貫天

帝洪儀剛需

延永轉飛天

帝率輅登虛

素華慶壽天

帝月髻同渠

浩蘭安平天

帝嶽汗騫敷

冲靈洞幽天

帝求常寧寥

太玄鬱晨天

帝寶勤巴方

玉景明遠天

帝逸玄冲

合景九微天

帝斷注王

北方八天

韓司普監天

帝神驛召魔

洞室曜天

帝越部南

太極玄天

帝正治宗公

太寂玄清天

帝長生丕明

高虛梵寶天

帝鄒儲靖奇

龍淨羽葆天

帝宥單都孫

靈化抱淵天

帝柳玄夜鄉

樞光九華天

帝延祐百靈

三十二天三十二帝諸天隱諱諸天隱名天中空洞自然靈章

諸天隱韻南上之音南上之尊南上之神南上大君南上之靈

九和十合延命億齡神瞳內徹久視惟明長生道在變化上清

道藏輯要

度人妙經

五

角集七
川文X

無量之奧深不可詳敷落神真普度天人今日欣慶受度歷關

諸天請滅死道續命長生飛度五尸入斗昇玄洞見無極渺渺

玉天瓊樓億壘金闕千門中有南極長生大君戴寶披青御朱

履玄執秉命籌為兆添年東斗度魂西斗制魄北斗鍊真南斗

養神中斗華蓋下蔭九元青帝護魂白帝侍魄赤帝養炁黑帝

通血黃帝中主萬神無越青天元王玉文保真赤天元王丹符

攝精白天元王金籙命神黑天元王玄圖護身黃天元王五老

監真五天元王萬神之宗飛行鼓從總領仙兵遊行太空長生

玉冊天帝檢封雲羅錦帟萬舞鳴鍾碧堂突空繞九飛龍賜兆

長生規正方瞳坐察億程幽微密通授號拱璧位為真公兆臣

造玄普掃不祥巨獸吐毒高刁四張兵鋒前施真武持旛天狼
擲火威劍揚煙敢有干試拒遏上真鑿天前戮蒼舌後刑黑天
斬妖炎帝食精三官迅車北酆列部不得容隱猛馬八征普告
無窮萬神咸聽三界五帝列言上清

太玄始分五老命神三元變化是爲真身口吐紫氣纏絡天根
化開五符萬有成形符爲天根倏忽變真玉帝居室三景回明
六合洞房入玄出青瓊宮黃飴凝爲赤城金臺萬重碧嶽千層
下沸混海洪波杳冥蒼龍九首火帝七身蜿蜒百里噴烟閃睛
日月爲目氣如奔雲甲錯黑頑護世保民負載魍魎是道真形
剛風石堅積陽爲天天上天下無幽無冥無形無影無極無窮

道藏輯要

度人妙經

六

角集七

又三

溟滓大梵遼廓無光赤明東昇元始育嬰至丙南陵朱光絳庭
中有大帝號長生君與天同生與天齊明鳳衣藻裳青霞爲巾
正坐洞宮保兆永存返照長樓氣連玉京北斗覆已太一舖精
視極幽朗奄見神文五篇八素神虎龜章元氣流演三十二天
輪轉無色周回十方旋翼歷軫迴度五常三十五分總炁上元
八景冥合氣入玄玄玄中授籙賜兆長生一瞬易劫久視萬年
太皇大君上帝高真泛景流霄嘯詠洞經金光旋激震響雲營
圓曜攝氣八海洞清寶淵蔚秀縹彩浮京千和萬合自然成真
真中有神長生大君無英公子白元尊神太一司命桃康合延
執符把籙保命生根上遊上清出入華房八冥之內細微之中

下鎮人身泥丸絳宮中理五氣混合百神十轉迴靈萬炁齊仙
仙道貴生無量度人長與生俱視極杳冥上開八門飛天法輪
罪福禁戒宿命因緣普受開度道化生身身得長生上聞諸天
諸天之上各有生門中有空洞謠歌之章諸仙靈篇辭參高真
第一長生神仙南和真君飛空之音

我適飛輿 遐造八荒 空洞生風

玉音遼遼 鳳軒崛起 環山復水

紫金作宮 蟠基六龍 內有大君

金姿玉容 儼坐紫雲 絳衣翦虹

下觀兆人 錄紀善功 冥與化通

道藏輯要 度人妙經 七 角集七

長生無終 照覽十天 騁霧浮空

左挾金真 右扶玉童 詠此洞章

神昇九重

第二久視真如瓊明玉符之章

明璣龍翹 冠彼綠纈 錦裾流雲

香車華軫 南宮九門 日惟月隱

時乘六瀆 金鸞玉袞 夕眇龍山

芝田霞嶺 天官捧策 神使列請

書兆生籍 鬱清涵景 雙珠四規

宏視無影 無極道君 虛真寶名

梵氣回環

玉符變形

生兆神氣

青帝凝魂

朱芒蘊光

八威輝煌

嚙以瓊泉

龍低虎昂

賜兆祕訣

晨風錦光

第三長生大帝君宮中太微神母歌曰

六星爛爛

對臨天剛

宮浮紫烟

玉翬昊蒼

帝君丹袍

瑤笏龍刀

三魂七魄

竟并魁魑

天嬰煒秀

嘯泛雲濤

口吐赤文

光纏景霄

六真夫人

錦帳金韜

迅風朱陵

道藏輯要

度人妙經

六

角集七
川〇七

鳳背鸞腰

飲月咀日

碧霜琅膏

玄芝萬株

絳實殷桃

授以長生

久視遊遊

揖此晨暉

仙露飴醪

變骨爲玉英

歌此玄中豪

此三界之上瓊明天中飛空歌音參洞音誦之百遍名度南宮誦之千遍天帝保迎萬遍道備飛昇太空過度三界位登仙公有聞靈音仙王敬形勅制地祇侍衛送迎流火玉眸自然入身身光如瞳洞照萬神長生神仙道胎結嬰龍氣灌灌南極同盟親拜黃老口受神文是謂無量普度無窮有祕上天文諸天共所崇世慢墮地獄禍及七祖翁

道言此二章並是長生大帝君及長生神王隱秘之音皆是大梵之言非世上常辭言無韻麗皆是長生久視永存大法隱秘其章故謂玄奧難可尋詳上天所寶祕於玄都紫微上宮依玄科四萬劫一傳若有至人齋金寶傾心依舊格告盟十天然後而付焉

道言夫天地運度亦有否終日月五星亦有虧盈至聖神人亦有休否末學之夫亦有疾傷欲延生續命過度運會皆當祈叩長生大帝君南極神王則命注玉檢名刊金格免過三塗超濟八難凡有此災同氣皆當齊心修齋六時行香十遍轉經福德立降消諸不祥無量之文普度無窮

道藏輯要

度人妙經

九

角集七

道言夫學長生久視大法心契自然玄默懷道與造化冥一誠通玉清而世患縈縻緣賞未際或運當易骨五臟更生或神棲九宮鍊華脫化或未學道淺仙品未充運應滅度身經太陰雖長生久視大法未備見身功缺而心洞無有神已長生骨肉未鍊臨過之時同學至人爲其行香誦經十過以度生名如法徑上南宮賜以生道隨其學功計日而得更生轉輪不惑便得神仙

道言夫長生久視之法其禁至重或守心自然玄契妙道或從師請法能致久生或陰營眾德功及羣靈天官列言得以永世或神觀內洞徹見道根俯視二儀遐窺往劫近若旦夜宿命因

緣善功業債如觀尋尺與造化爲徒。一生入死運用由己。延日爲劫。促劫爲日。千春爲朝。萬劫爲夜。長生久視。卷舒在意。則非學道修誦所能。或天稟特異。氣質不凡。如天有神仙地有松柏。人有耆艾。皆靈成自然。聞道而得聞道。而生不原於教理。別得天真卓挺於世者。也。至若天地運終三辰。失次四時。不調國境。生災兵劫。不息疫毒流行。師友命過。亦當修齋行香誦詠此經。夫齋戒誦經功德甚重。上消天災。保鎮帝王。下禳毒害。以度兆民。生死受賴。其福難勝。故曰無量普度天人。

道藏輯要

度人妙經

二

角集七

聖君金闕之臣。諸天記人功過。毫分無失。天中真王亦保舉爾身得道者。乃當洞明至言也。

諸天中天大梵隱語無量音 道君譔

長生大帝君靈書玉篇

東方八天

明柯遜瀟

靜微樂情

幾研菟基

純精杳紛

韜祕幽諱

交渾冶崙

氣徹內返

神嬰自存

職熾嶼場

偶銜丕容

吟宄潛納

寶粹溫通

屈流地海

頂邁繪同

玉靈延和

仙鍊輔沖

南方八天

玻回霞液

凝降愕樓

玄黃滋化

曲窠漕濛

奎室虛光

三宸皎昌

青白英元

黃真火堂

罔照東華

飲瀾絜張

扶思舉龍

輪車控翔

熒庚捕壇

玄井護昆

網射激明

靈魔渾然

西方八天

庭雲鬱披

錠瓊感機

左池汨鳴

道藏輯要

度人妙經

三

角集七

結英懽尸

灌引天淵

復運太微

眇私山玄

恍命薰怡

陰斗弼軀

異爽挾和

赤章綠典

道廓應施

合就匪緒

忽辨意衡

象胚先元

化華魁宣

北方八天

獄豐都首

影酪魂醜

馥味音姦

籍官統祿

龍委瀆谷

米聿輪腩

此受宏出

洞真和玖

隲功衛子

壽頤煒觀

呼徵大殺

韓司詔候

移超隱峯

默彰離邁

無號幙研

碧空浮遷

道言此諸天中大梵隱語無量之音舊文九烝丈人染赤彪之
獸流丹之液題書長生大帝君南明之殿青環之壁空中出字
皆廣長一丈金氣鏤縷采明以紫寔丹入玄玄又入丹丹玄起
煙鬱勃上元題寫佩服誦習相傳最上妙訣慎勿妄宣天真皇
人昔書其文以爲正音有知其音能齋而誦之者諸天皆遣飛
天神王下觀其身書其功勤上奏諸天萬神朝禮地祇侍門大
勳魔王保舉上仙道備尅得遊行三界昇入金門此音無所不
辟無所不禳無所不度無所不成天真自然之音也故誦之致
飛天下觀上帝遙唱萬神朝禮三界侍軒羣祇束首鬼精自亡
琳瑯振響十方肅清河海靜默山嶽吞煙萬靈振伏招集羣仙
天無氛穢地無祲塵冥慧洞清大量玄玄也

道藏輯要

度人妙經

三

角集七

川七